

太極圖說論

太極圖說論卷之六

太極圖說辨性論三十

或曰余嘗讀佛氏書未嘗不疑之然未敢遽以爲欺
妄者以言心言性其教或有在耳今充類至盡所爲
空無究不能空無而立教詭秘付囑隱密意者其道
本無所有徒以煽惑人心有王者作人其人火其書
取其教而廢之而後可耶余曰昔夫子有言索隱行
怪後世有述焉吾弗爲之矣夫人至索隱行怪天下
之人知其背於大道而不爲者也其無述焉必矣而

反謂其有述必其有可述而述之也夫可述而述之者隱也怪也此其視魯之聞人齊之華士在四殺之律者相去不遠矣孔子聖人也非若世之惑其說而述之之人也苟非可爲而弗爲聖人亦何必言吾弗爲之吾由其言推之此其言諸子百家不足以當之惟老氏庶足當之惟佛氏尤足當之孔子生春秋時不知有佛然其言一若爲佛氏而發知天下必有索是至隱之理必有行是至怪之事必有是相率而述之之人蓋佛氏之言空無也非謂其不空不無言空

無而非之也。其所能空無者。亦惟人生一切人我色
相而空無之耳。此人我色相。人生大欲之所存放。辟
邪侈之所由起。天下無智愚賢不肖之人。所不能空
之無之。而彼獨能空之無之。亦自以爲至難矣。至其
心性之所有。彼本不能空之無之者也。然心則有真
有妄。旋起旋滅者也。真則起滅猶可。妄則起滅不可。
不獨爲二氏指迷。吾道宗旨亦不出此。矣。此其所爲心無其心者。非爲真而無之爲妄而無
之。然非并其真而無之不能無也。性則無妄有真動
靜如一者也。心真性亦真。可靜而可動者也。心妄則

性○卽○不○與○俱○妄○可○靜○而○不○可○動○矣○此○其○所○爲○性○無○其○
性○者○非○爲○真○而○無○之○亦○爲○妄○而○無○之○然○非○并○其○真○而○
無○之○不○能○無○也○故○其○心○與○性○必○至○真○妄○俱○無○而○後○始○
言○有○其○心○與○性○夫○真○妄○俱○無○是○無○心○無○性○矣○而○彼○自○
謂○有○亦○有○其○無○而○已○非○有○其○有○也○借○曰○有○之○亦○有○其○
頑○冥○不○靈○之○物○而○已○矣○夫○以○不○頑○不○冥○至○靈○之○心○性○
反○令○其○頑○冥○不○靈○而○不○顧○者○亦○爲○此○人○我○色○相○在○吾○
心○性○中○不○能○無○起○滅○動○靜○而○空○之○無○之○非○吾○心○吾○性○
之○本○空○本○無○而○空○之○無○之○也○然○而○心○之○與○性○有○起○滅○

○善○儒○或○慎○恐○懼○極○本

天行不寂不滅之事。幾於充塞幽明。彌漫沙界。其說之爲欺爲妄。有何足論。縱使其人死而猶生其道滅。而猶存。有不由知覺之不能空。無卽心性之不能空。無而一切有爲不能作夢幻泡影觀者。本如是者耶。以故終日言天。而不知天之爲天。終日言人。而不知人之爲人。不知天之爲天。又安知命之爲命。不知人之爲人。又安知性之爲性。惜乎不得大聖人一指示之。以其淨修之苦行。求吾性覺之本然。使知本無隱之可索。無怪之可行。雖世世有述。而聖人必弗爲者。

乃不足爲者也○

此已并存無之界是其安身立命處卽爲身不安
命不立之處自非本聖賢至道指點之必不能令
其僥首至地

太極圖說辨性論三十一

或曰昔象山與王順伯論佛謂與吾儒所見略同止
義利公私不同耳紫陽以吾儒萬理皆實釋氏萬理
皆虛其源頭便不同非之愚謂吾儒之道有無虛實
莫不該之豈充類至義之盡止歸實有別無所爲虛
之無之者乎余曰吾儒之道通天人死生鬼神而爲
道一事一理其爲實有者無不知爲實有豈一事一
理其爲虛無者有不知爲虛無者耶惟知虛無之爲
實有而後虛無者乃得而虛無之非徒以虛無爲虛

無也○惟知實有之○為虛無○而後實有者○乃得而實有○之○非徒以實有為實有也○所謂知虛無之為實有而

後虛無者○乃得而虛無之何也○人之有是形氣○人之

惟○壽○虛○無○實○有○四○字○逐○一○說○破○字○俱○有○着○落○力

實有也○而修短不齊○非實有而虛無者乎○人之有是

不○壽○彼○亦○中

倫○物○人○之○實○有○也○而聚散不常○非實有而虛無者乎○

人○之○有○是○心○是○性○人○之○實○有○也○生得而存○養之○死○不

得而存○養之○非實有而虛無者乎○人○之○有○是○富貴動

名○人○之○實○有○也○生得而吾有之○死不得而吾有之○非

實有而虛無者乎○此非佛氏虛無○吾不以為虛無者

也使天之生我止有此實有之事與我更無盡其實
有之理與我雖佛氏舉而虛無之吾亦何必不舉而
虛無之哉惟天有是事與我卽有是盡其實有之理
與我吾能以理盡吾之事則一事一理皆不虛不無
至實至有之事理吾不得以爲虛無而以爲實有自
然之理也使吾有是實有之理吾反欲從而虛之無
之無論其不可虛之無之且不能虛之無之是徒見
吾之所爲虛無者與爲虛無不見吾之所爲實有而
非虛無者亦與爲虛無其與人道背而不可以爲道

卽與天道背而不可以爲道矣。此以虛無爲虛無者。不能爲虛無。惟以虛無爲實有者。能於吾實有盡之。卽于吾虛無無不盡之矣。所謂知實有之爲虛無而後實有者。乃得而實有之何也。人之形氣修短不齊。人之所爲虛無也。大舜永年。無忝其生。顏子蚤夭。無愧其死。知所爲虛無而盡之。斯能於所爲實有者盡之矣。人之倫物聚散何常。人之所爲虛無也。人有無其親而事之者矣。有其親而事之。幸而爲舜爲文可也。不幸而爲申生。孝已亦可也。人有無其君而事之。

者矣。有其君而事之。幸而爲臯。爲夔。可也。不幸而爲
龍逢。比干。亦可也。知所爲虛無而盡之。斯能於所爲
實有者盡之矣。人之心性。生得而存養之。死不得而
存養之。人之所爲虛無也。戒懼慎獨。以全其所受於
生。曳杖逍遙。以歸其所賦於死。知所爲虛無而盡之。
斯能於所爲實有者盡之矣。人之富貴動名。生得而
吾有之。死不得而吾有之。人之所爲虛無也。大行不
加窮居。不損禹之功能。不爭不伐。舜有天下。不有不
與。知所爲虛無而盡之。斯能於所爲實有者盡之矣。

此○非○吾○儒○實○有○佛○氏○不○以○爲○實○有○者○也○使○天○之○生○我○
有○是○實○有○卽○虛○無○之○事○與○我○更○無○有○是○盡○實○有○卽○盡○
其○虛○無○之○理○與○我○雖○佛○氏○舍○實○有○而○虛○無○之○吾○亦○何○
必○止○言○實○有○哉○惟○天○有○是○盡○其○事○卽○盡○其○理○之○道○在○
我○我○卽○有○是○盡○其○實○有○卽○盡○其○虛○無○之○道○在○我○則○一○
事○一○理○吾○能○知○其○虛○無○而○必○盡○之○始○能○踐○其○實○有○而○
無○不○盡○之○自○然○之○理○也○使○吾○知○有○虛○無○之○事○理○吾○究○
不○能○從○而○實○之○有○之○無○論○其○不○能○不○實○之○有○之○且○不○
可○不○實○之○有○之○是○徒○見○吾○心○所○爲○實○之○有○之○者○止○於○

實有者實之有之不見吾之所爲實之有之者已於
虛無者無不實之有之亦與人道背而不可以爲人
道卽與天道背而不可以爲天道矣此以見實有爲
實有者未能有其實有惟以見虛無爲實有者能于
吾虛無有之乃能于吾實有無不有之矣今佛氏所
爲虛無者不過一切色相庸衆人所不能虛無者彼
欲虛之無之耳至言心言性言知言覺雖欲一切虛
之無之必不能虛之無之是其虛無非真虛無其寂
滅非真寂滅而後知此性覺者乃天人性命之本源

也○乃人倫○天德○盡人盡物之本源也○佛氏生而爲教○
無一非背人倫○棄天德○忘人物之事○及其死而爲說○
無一非盡人倫○合天德○成人成物之事○無論其說不
足信○假使就其說而詰之○此非其性○覺爲之○抑非其
性○覺爲之○耶○是必生不能爲○惟死乃能爲之○生而以
虛無爲實○有不能爲之○死而以虛無爲虛○無乃能爲
之○耶○然則吾聖人生而踐形色○盡人倫○達天德○成已
成物○贊天地○通幽明○死生鬼神○莫不本吾實○有以推
致於虛○無化行于百年○道存於萬世○是止于實○有盡

之者歟抑并其虛無而無不盡者歟乃象山論佛不以有無虛實明其與吾儒不同而以義利公私明其與吾儒不同紫陽不卽以義利公私折其與吾儒不同而止以有無虛實折其與吾儒不同雖能別二氏之非亦各以所見而非之者也夫道至有無虛實之○惜○三○子○不○得○聞○之○不同則義利公私不足言矣何者有無虛實顯而大者也義利公私微而曲者也象山不從此論止從彼論之象山能識佛氏入道之根源乃有此義利公私之說耳夫道至義利公私之不同則有無虛實又不

足○言○矣○何○者○義○利○公○私○道○之○反○而○非○道○者○也○有○無○虛○
實○道○之○蔽○而○非○道○者○也○紫○陽○不○從○此○折○之○止○從○彼○折○
之○紫○陽○止○識○吾○儒○入○道○之○根○源○乃○有○此○有○無○虛○實○之○
說○耳○二○子○之○論○各○自○言○其○所○見○不○能○通○彼○我○以○爲○見○
其○爲○異○爲○同○自○是○如○此○佛○氏○言○虛○言○無○又○加○以○私○利○
之○心○其○與○吾○儒○直○如○水○火○矣○而○猶○以○畧○同○言○之○象○山○
從○性○之○知○覺○入○道○者○也○止○知○其○言○性○覺○有○同○耳○不○知○
自○私○自○利○并○其○性○覺○亦○自○私○自○利○之○性○覺○矣○於○性○覺○
何○有○哉○吾○儒○之○言○實○言○有○莫○非○公○義○之○心○其○與○佛○氏○

之道判如黑白矣。而猶以源頭言之。紫陽從性之真
實入道者也。止知其言虛無有殊耳。不知自私自利
并其虛無亦自私自利之虛無。於虛無亦何有哉。合
二子而論之。佛氏之爲佛氏。有不曉然而其喻者乎。
或曰紫陽之論有無虛實。愚旣得而知之矣。敢問象
山言義利公私之不同。吾子謂其議佛氏入道之根
源何也。余曰聖人之道。天地萬物死生鬼神無不有
之。無不盡之者也。佛氏之道。其所見止於死生一端
耳。彼以人生百年有如瞬息。求其常存。不得不虛無。

一切獨存此性覺於空虛寂滅中亦謂生不能常存、
惟死能常存焉耳。夫人之性覺無知愚賢不肖而有
之者也。其生也不以知愚賢不肖而無不爲人。其死
也不以知愚賢不肖而無不爲鬼者也。故聖人教人
盡其性覺而爲人。不必更求其性覺而爲鬼。佛氏必
舍其性覺於爲人。止求其性覺於爲鬼。徒以人不能
常存而爲鬼。我能常存而爲鬼。公平私乎。義乎利乎。
且聖人之生死。知生而不必知死者也。佛氏必求知
死者。惟求其死而能自主耳。夫性覺存而能主於生。

自能主於死而佛氏必求死而自主者亦徒謂吾黃
面瞿曇生而爲此人死而爲此鬼生吾知之死吾不
能○今佛氏古焉而不○下知之吾有所不能已也生吾知之死吾知之不能使
天下人知之吾亦有所不能已也堯舜百有餘歲而
死孔子七十三而死生平何嘗空一切所有而存其
神其道常存於天下一如堯舜孔子之常存佛氏必
空一切所有自謂長存一已之神公平私乎義乎利
乎則又曰吾之存吾神恐吾生而爲佛死而不復爲
佛死而卽復爲佛恐再生而不復爲佛耳夫佛於天

地間亦一人耳。堯舜孔子生而爲堯舜孔子，死而爲堯舜孔子。堯舜孔子不問也。生而爲堯舜孔子，死而不爲堯舜孔子。堯舜孔子不問也。佛氏必使吾死而更○人○二○層○妙○妙○不復生。此吾一人也。死而復生，生而復死，此吾一人也。公平乎？私乎？義乎？利乎？則又曰：吾懼吾道之不能常存也。吾以常存吾一人者，常存吾道而已矣。夫堯舜孔子之道，其在上也，化及萬方；其在下也，教被四海。其人存，其道存；其人亡，其道熄。堯舜孔子豈不知之。堯舜孔子，千古作君作師之人也。以天不使吾道絕。

於天下○天必生如堯舜孔子之人○以常存之○卽不必

生○如堯舜孔子其人○亦足以常存之○卽并不必有其

○古今至理宜淺無餘

人○而吾道自常存於天下○佛氏以非存吾一已之神

必○不能存吾一已之道○使一世二世十世百世無不

由吾黃面瞿曇出世教人○而後可公乎私乎義乎利

乎○至其他科教經懺誇誕無稽其爲利而非義私而

非公抑又不足言矣○此余所謂象山能識佛氏入道

之根源在公私義利之不同○使自私自利而可爲道

卽欺人妄人而亦可爲道矣○紫陽舍此不一窮詰之

而止以有無虛實其源頭顯然與吾道殊者折之吾所謂紫陽止識聖人入道之根源者此也

闢佛而有是有非不能服佛氏者非佛氏不能闢也我是非之人不能信我之是非之也非人不能信我之是非我是非佛氏而不能自信其是者果是非者果非又安望人之信我况望佛氏之服我乎桂山不求人信不求佛服惟求自信卽以信聖人者自信而已有無虛實義利公私剖析至此佛氏可以卷舌聖人必從吾言何況其他

太極圖說辨性論三十二

或曰紫陽氣質之性是從夫子性相近習相遠上知
下愚不移未爲無本吾子非之其故可得而聞歟余
曰此夫子言人非言性也言人之習而及性非言人
之性而及習也張程止截上句言性與已言氣質之
性若有合焉遂引爲夫子言性亦有不相近之說耳
如止此一言諸儒謂夫子言性余獨謂夫子非言性
而言人雖百口不能爭之矣從古聖人作君作師以
率天下之人一日性天之事也一日教人之事也性

則曰存曰養若無事者也教則曰學曰反必有事者也必學之反之之功至而後存之養之之事成聖人教人窮理盡性人已交治去不善而就善之道盡于此二者而已至習之爲言與學反相近而不相近者也學之反之以去惡從善而言習則兼善惡而言以其人生平所自爲而言之亦兼風土俗尚而言之也如里之有仁鄉之有互南方之柔弱北方之剛勁或知其善而不爲或不知其不善而爲之一人然人人然少而然至老而然所謂少成若天性習慣成自然

者是也惟善與不善未有不本其人生平所自爲而

漢疏、宋、解、皆、如、此、精、析、到、底、那、得、由、有、疑、義、

成之故略其風土而專以其所自爲而論之也以故
習于善也難而常少習于不善也易而常多雖兼而
言之而此則又若偏于不善而言之所謂習與性成
者是也然又非從其所習之始卽以善惡爲一成不
變而論定之必俟所習已成終于不變而始論定之
也由其始而爲善善進善不善蔑由至始得稱之曰
此習爲善之人始爲不善不善進不善善亦蔑由至
始得稱之曰此習爲不善之人故以無良之人加氣

習之染自少至老耳濡目剽無非怙惡蔑終之事人
乃得而責之曰均是人也何至善惡之分途截然與
人如是其相遠哉豈天生是兩種人其性之殊絕一
至此乎不知乃其人之習爲之非其人之性爲之也
若性則未有不相近者也乃追而論之之詞也近之
爲言因遠而言之也相之爲言因人之一遠一近比
精○析○此○能○無○數○服○而言之也是論習而及性非論性而及習也今以夫
子言近○必○有○不○近○者○存○是○不○以○性○與○習○相○遠○之○人○言
遠○近○而○止○以○性○與○性○相○近○之○人○言○遠○近○矣○苟○必○舍○相

遠之人不論而必取相近之人而求其不近者論之
是性之不能無差等可知矣。湯武之性必不及堯舜
之性。中才之性必不及湯武之性。下愚之性必不及
中才之性。性之不能不分上下而爲本善之性。卽不
能不分上下而爲本惡之性矣。使夫子言性肯如是
而言性。則維皇降衷。蒸民物則夫子不本而言性矣。
一陰一陽繼善成性。子思孟子必不本而言性矣。天
命謂性。性無不善。漢唐宋元明諸儒必不本而言性
矣。而後世曲學陋儒言善言惡紛紛言性。皆得託聖

人相近一言亦何不可之有哉今張程止知性有不
近乃氣質爲之使人知氣質之不相近性亦有不相
近者耳然則千古聖賢之言性旣明言性千古聖賢
之言氣質又明言氣質而千古聖賢之論性不論氣
質論氣質不論性以氣質本有善有惡可言與性本
有善無惡可言如合一轍又何嘗以氣質善惡加以
性而論其善惡者哉乃必以夫子言氣質之不近卽
性之不近爲說旣增氣質于性中又牽性于氣質中
必如是而言性吾亦安能復起聖人而折衷之惟卽

張程言氣質之性。本夫子相近一言而言者。言之性者。人之相近者也。氣質者。人之不相近者也。以上知之性。而稟上知之氣質。其爲善。不必言矣。苟上知之性。而稟下愚之氣質。不能爲善。如上知。或且爲不善。如下愚。是其爲不善。原在氣質。而不在性。以下愚之性。而稟下愚之氣質。其爲不善。不必言矣。苟下愚之性。而稟上知之氣質。不惟不爲不善。如下愚。或且爲善。如上知。是其爲善。亦原在氣質。而不在性。而性之本無近不近自在也。與氣質何與焉。如謂人氣質善。

者性亦善氣質惡者性亦惡是天下有善有惡之人
皆其人有善有惡之氣質爲之○卽其人有善有惡之
性爲之○卽其人受之於天有善有惡之天命爲之○是
天下有善有惡之人○無一不本於天命之有善有惡
爲之○雖其人爲之○實天爲之也○從古帝王必以法制
強惡人而爲不惡之人○從古聖賢必以教育勸不善
人而爲善人○勢必至帝王無以爲治亦相率而爲老
氏之治○聖賢無以爲教亦相率而爲佛氏之教矣○奈
何必推不相近之氣質入相近之性中○使天下爲善

爲不善之人既得自寬于氣質之不相近又得自寬于性之不相近而樂其有是言是張程欲爲聖人解性不相近之是適足以証聖人性不相近之非而已矣乃諸儒求夫子性相近之說而不得必從張程之說說之吾不知其所疑於相近是以其性之善與善者疑相近耶譬如善信美大聖神善雖不同而同爲善卽無不可同爲善之人矣乃其中或有習而爲不善是其人習之過非性之罪也聖人又何必以其人之性自有此善之大小上下不同爲此不相近之說

爲習爲不善人解耶如以善與惡同出於性止以同
出爲相近耶是合智愚賢不肖之人止可言相遠不
可以相近言者也而亦以相近言之其習爲善者固
賢知之性生爲之習爲不善者亦愚不肖之性生爲
之矣聖人止教人以慎所習人猶自諉於無才况追
論其性之本不相近而徒以慎習教之有不人人自
諉而自棄者亦罕矣使聖人欲兼善惡言性亦如小
儒善惡混以性論性可也何乃論人所習之相遠更
指一本不相近之性以示之警之耶勸之耶卽紫陽

解性之善惡謂其初本不相遠如是至習之久而如是
是以明性本相近之說然而人性善者其人初爲善
維日孳孳終成其爲吉人不必言矣若夫性之惡者
其人初爲不善亦維日孳孳而終成其爲凶人去性
初之惡不啻什伯千萬矣帝王之刑法天地鬼神之
誅責尚不足以轉移之乃徒追而論之謂爾性初之
惡不如是之甚也○不○足○以○警○之○更○足○以○勸○之○有○必○然○
者矣○論語二十篇聖人言性止此一言如聖人止以
性論性以性爲善自言性善以性爲有善有不善自

言有善有不善以性爲無善無不善自言無善無不善聖人言性以教及門而垂訓萬世者也今相近之說無善惡之說而若有善惡之說後人遂以善惡入之無氣質之說而若有氣質之說後人遂以氣質入之若無習相遠一語爲上文性相近申論而剖析之可○爲○三○嘆○不幾以聖人言性乃模稜之詞鶻突之旨使天下紛紛論性各憑一說以立言而性之裂於天下不巳久乎惟言遠言近聖人亦言人之遠近言性言習聖人亦言人之性人之習言性之相近習之相遠聖人亦

言此人之性與彼人之性相近此人之習與彼人之
習相遠以一爲不善之人與一爲善之人本不相遠
之人由其習之成而比論之其人之相遠可不謂至
相遠者乎以一爲善之人與一爲不善之人至不相
近之人原其性之始而比論之其人之相近可不謂
本相近者乎此雖以堯舜之聖與桀紂之狂從其聖
狂之已成而以性以習比而論之亦不過就其相遠
相近如是而比論之已耳况天下同類之人乎聖人
如是論習猶恐人之不慎所習至其習惡已成而無

可、如、何、又、從、而、申、之、曰、人、苟、不、至、習、之、已、成、皆、可、移、而、善、不、可、移、而、不、善、乃、人、之、不、移、一、善、一、惡、必、至、相、遠、如、是、者、惟、上、知、與、下、愚、其、人、乎、一、則、習、爲、善、必、不、可、移、而、不、善、一、則、習、爲、不、善、必、不、可、移、而、爲、善、其、相、遠、如、是、吾、未、如、之、何、也、已、矣、此、卽、承、上、習、善、習、惡、之、人、言、之、更、不、復、言、性、而、必、曰、氣、質、之、性、中、又、有、此、二、種、人、美、惡、一、定、非、習、之、所、能、移、何、也、苟、如、是、是、此、二、種、人、真、性、生、而、有、然、者、矣、是、真、少、而、如、是、長、而、如、是、雖、至、老、而、亦、如、是、其、不、移、者、矣、嗟、乎、聖、人、望、天、下、人、

之去不善而就善爲此言者亦謂天下不思不勉生
知安行之聖人能有幾耳其他學知困知利行勉行
莫不有能移之才卽雖愚必明雖柔必強未嘗以其
無才不能移而棄之也若羊食我其人生而卽知其
氣質如是然移之而有以移之豈無其人移之而終
不可移亦豈無其人而必以不可移言者何爲也哉
且天下始而習爲不善其繼移而爲善如太甲之自
艾又或始而爲善其繼移而爲不善如齊桓之鮮終
故人雖上知苟非終其身不爲不善人雖下愚苟非

終其身必不爲善聖人終不以不移限其爲人使必
以聖人言習之不移是爲生而上知生而下愚立說
爲惟此兩種人自少至老必不能移之人亦必俟終
其身不移而後言之可也如徒以生而后稷卽知其
性之善卽以不移限之生而羊食卽知其性之不善
卽以不移限之此張程二子從氣質之性所定之人
而聖人止論天命之性之人從未有舉此兩種人而
限之定之者也上知如堯舜其維危維微如此而臯
益諸臣猶以儆戒兢業進之未嘗一日不懼其移也

况○下○此○者○乎○下○愚○如○桀○紂○其○爲○暴○爲○虐○如○此○而○湯○文○
服○事○龍○比○進○言○曰○以○悛○心○改○過○望○之○未○嘗○一○日○忘○其○
一○移○也○况○不○至○此○者○乎○使○夫○子○見○一○上○知○之○人○不○俟○
終○於○不○移○而○曰○此○必○不○移○於○惡○者○也○見○一○下○愚○之○人○
不○俟○終○於○不○移○而○曰○此○必○不○移○于○善○者○也○天○下○之○上○
知○多○矣○終○其○身○不○必○皆○不○移○於○不○善○之○人○天○下○之○下○
愚○多○矣○終○其○身○不○必○皆○不○移○于○爲○善○之○人○聖○人○未○揣○
其○未○先○齊○其○始○以○限○天○下○之○人○以○定○天○下○人○之○性○此○
可○謂○之○聖○人○之○言○乎○不○可○謂○之○聖○人○之○言○乎○或○曰○然○

痛快○至此○雖○尺○許○瑣瑣○擊○節○碎○之○亦○所○不○惜

則夫子有是不移之說矣。吾子必有意義存焉者。安在乎。余曰。使必以氣質善惡言性。又從善惡中特揭此兩種人。以明性之木有善惡。則是夫子之言。不徒大謬於聖道。且大謬於天道矣。吾知聖人必不如是而立言也。其言上知下愚。亦言習也。非言性也。上言性近者。以明習之遠也。此言習之遠者。由可移而不移。因言習之不移者。以補上言相遠之不移。必如此兩種人。始可言不移。其餘皆無不可移之人。何至必令其習之相遠。一至此極也。子以上知之人。其習於

善也必自少至老不移于不善而言不移者耶上知
如顏子夫子謂其有不善未嘗不知知之未嘗復行
顏子三月不違可爲純乎仁矣三月之後猶不能無
不善惟其未嘗不知未嘗復行則雖移而不移者自

○從○米講金語錄諸書能有幾篇又茲文

若也如是而能不移三月之後可以三年可以三十
年可以終其身保其不移矣夫子曰顏氏之子其殆
庶幾取易之不遠復無祗悔當之夫子之所爲惟上
知不移者此類是也子以下愚之人其習于不善也
自少至老必不移于善爲不移者耶下愚如盜賊此

必不可移者矣。然如奪姜肱衣被而不取。遇朱暉諸母而舍之。未嘗無可移者存焉。惟世有復惡已甚如高伯怙惡不悛如晉靈。與語之言說而不釋。法語之言從而不改。頻復頻失。一暴十寒。此其人吾知其爲善之無成。而積惡之自斃。亦何必俟終其身而始決之。聖人未嘗不爲之咨嗟痛惜。爲吾末如何。雖欲不謂之下愚。不可得矣。不謂之不移。不可得矣。聖人所爲。惟下愚不移者。此類是也。且子以天下爲惡之人。皆生而下愚之人。爲善之人。皆生而上知之人乎。桀

紂之智拒諫如流盜跖之口飾非自喜充其性生之
○首○理○不○用○區○無○遺○必○多○涉○漏○非○通○儒○窮○理○不○能
才爲上知而有餘者也至如申生之孝尾生之信鮑
焦申屠狄之疾世殺身比諸飾行盜名之徒真天性
至愚至顛不聰不慧之已極者也一則雖諛以上知
而必不移于善一則雖詆以下愚而必不肯移于不
善以此論之天下之人可以上知下愚分善惡而謂
其一本於天性然歟否歟子今而後可以知夫子之
言不移是言習而非言性矣可以知上知之人不必
不移而終於不移斯真不移于不善者也知莫知于

此○上○莫○上○于○此○矣○下○愚○之○人○不○必○不○移○而○終○于○不○移○
斯○真○不○移○于○爲○善○者○也○愚○莫○愚○於○此○下○莫○下○于○此○矣○
而○奈○何○必○以○此○兩○種○人○爲○性○生○而○以○善○不○善○之○不○移○
歸○之○彼○中○才○之○人○可○移○而○善○可○移○而○惡○者○是○亦○一○性○
也○昌○黎○所○謂○性○有○三○品○者○非○耶○而○諸○儒○又○從○而○非○之○
者○何○也○

今人頤解

桂山嘗言凡明天下之理道求之聖人所已言而
不得求之聖人所不言而得之求之聖人所不言
而不得仍求之聖人既以言之而何以又有所不
言自有以得之此真能窮理之妙訣世儒知之者
罕矣讀此篇百遍而不厭能無三復其言

太極圖說辨性論三十三

或曰聖賢言性孟子爲多然旣以孟子性善爲言性之原本又謂其難指言但從所發之才與情言之致使後儒參差其說蘇子由且謂孟子性善是學子思而漸失之何耶余曰自古聖賢言性從未有如孟子之言性至精至切通乎天人之原本而言之者也雖起堯舜禹湯文武周公孔子一堂而論之所謂聖人復起不易吾言者孟子豈欺我哉蓋言性至天之命而性之原本已盡矣使必于天之外求之自必以如

二氏之言無而言性者言性矣人之有性原本于天

文情迂迴曲折其意義則直達物發千古奇文

天者吾仰而可見者也命者吾求而可知者也而二
氏必從天之上不可見不可知言之亦謂其必有是
理而推論之也有是理而推論之而彼與我無二道
無二天也吾何必止言吾可見可知之天而不言彼
不見不知之天惟吾以可見可知而爲有彼以不見
不知而爲無吾安能舍吾可見可知之天而言彼不
見不知之天此必然之理也况吾以可見可知之天
爲有卽以不見不知之天亦爲有吾之所有吾之有

也○彼○之○所○無○亦○吾○之○有○也○吾○雖○兼○彼○而○言○之○可○也○惟
彼○以○不○見○不○知○之○天○爲○無○彼○以○吾○可○見○可○知○之○天○爲
非○無○彼○之○所○無○彼○之○無○也○吾○之○所○有○又○彼○之○所○無○也
彼○雖○欲○兼○吾○而○言○之○必○不○可○也○此○其○說○余○非○以○彼○之
言○性○亦○必○有○之○理○而○取○以○爲○言○也○子○以○孟○子○言○性○猶
未○精○一○似○二○氏○爲○尤○精○故○取○而○復○論○之○以○明○孟○子○言
性○之○原○本○舍○此○無○可○復○言○而○已○至○孟○子○言○性○之○發○見
直○指○性○之○情○與○才○而○性○之○發○見○已○盡○矣○使○必○于○性○之
外○求○之○自○必○如○張○程○以○氣○質○言○性○卽○以○氣○質○言○情○與

太極圖說論

卷之六

五

桂山堂

才一性而二之矣。人之有情與才而發見于性。性者吾性之靜存而可知者也。情與才吾性之動發而可識者也。張程以氣質言性。卽以氣質言情言才。此從性之外取其所自爲知而言。知自爲識而言。識者也。張程必欲取而言之。亦謂其必有是理而推論之也。有是理而推論之。吾與彼無二情。無二才。卽無二性也。吾何必止言吾所知。所識天命之性。而不言彼所知。所識氣質之性。惟吾以所知。所識有善無不善之性。而言情言才。彼以所知。所識有善有不善之氣質。

而言情言才吾安能舍吾所知所識之天命而言彼
所知所識之氣質此必然之理也况吾以所知所識
之性爲情與才卽發見于彼所知所識之氣質亦爲
情與才吾性所發見之情此情此才也彼氣質所發
見之情亦此情此才也吾雖兼性與氣質而言之可
也惟彼以所知所識之氣質非發見于吾所知所識
之性而爲情爲才彼性所發見之情與才有善有不
善之情與才也吾性所發見之情與才有善無不善
之情與才也彼雖欲兼吾而言之不可得也此其說

非謂彼言性言情與才有從同之理而取以爲言也
子以孟子言情與才猶未切一似張程爲尤切以明
孟子言性之發見舍此無復可言而已蓋從古聖賢
言性不恆言者也無所庸其恆言也不深言者也無
所庸其深言也性之理發于情而統具于心非盡其
心者不足知其性也今之人孰不能言性不可謂之
知者以不能盡其心也盡其心則性不求知而自知
之矣卽一仁之必盡存其仁不仁之必盡去其不仁
而知之也故知其性則天不求知而自知之矣命不

求知而自知之矣人學聖人之所學修君子之所修
操得舍失存誠閑邪已立已達以廣仁不欲勿施以
行恕終其身求其身之無疚心之無間如不及者此
眞盡其情與才而能窮理盡性至命斯爲聞道之人
孔孟之門其人亦未易枚舉而稱之矣奈何曲學小
儒不能學聖人之所學且不能明聖人之所爲教而
曰聖人教我不過人人所知如所爲文行忠信者而
已至性與天道聖不恆言雖子貢尚不可得聞喟然
而歎曰吾不得比于朝聞夕死之人曾不如釋氏一

方根問語
語參提一朝省悟之爲快也不亦大可哀也哉自古
聖人日教人以盡心知性之實事而學者自憚于存
心養性之實功告子荀卿之徒昧性命之本原循氣
質之美惡始分善不善言性執一端指一事引喻粗
鄙立說支離顧愚之輩鄙陋之夫從而師之習之既
無古聖人作君作師以正其統二氏之教充塞仁義
流傳而莫能止從事聖門之徒喜其推論之虛無指
歸之幽渺反疑聖人於彼氏言說秘而不發一似不
能深言而彼能深言者然又以天下之人原有此善

百家言性隱○怪○鄙○陋○和○盤○托○山

惡之人○原有此善惡之事○原有此善惡之氣質○原有此善惡之性命○而古之聖賢必以善之一字○歸性而言之○豈性爲天所賦之性○而氣質非天所賦之氣質乎○其所爲之善惡○非本性與氣質所爲之善惡乎○勢必至言性爲有惡而不惜○言性爲有善有惡而不惜○言性爲有二性而不惜○又求其說而不能盡得也○不得不言性爲無善無惡○而亦有所不惜矣○嗚呼○此可謂深言性乎○此可謂聖人不深言性○而彼能深言者乎○嗟乎○古今聖賢言性○猶有過于孟子言性之精切

如此者乎孔子以仁義禮智四德言性當唐虞三代性道大明之後天下無知愚賢不肖止有行之不著習矣不察終身由之不知其道之人從未有如告子荀卿楊朱墨翟自立一說以亂性者雖齊之華士不過以不臣不友亂君臣之大倫而太公誅之魯之聞人不過以言行巧僞如莠之亂苗而孔子誅之故莫不以性之有是天德人倫孳孳焉求盡其道而不能也至戰國時孔子之道幾息矣老莊之徒又以絕聖棄智及廢仁義猖狂縱恣其說而性有善惡諸說從

是而興孟子于時去孔子纔百有餘歲已若別一世

界矣使僅以孔子教及門仁義禮智性之四德以教

論世隻服從古無之

天下而天下知愚賢不肖之人方且疑性有善惡道

無仁義安望其盡能知之如曰仁人性也天下之爲

仁者有不知其爲仁而爲之者乎而天下之爲不仁

者有不知其爲不仁而爲之者乎知其爲仁而爲之

者曰性也知其爲不仁而爲之者亦曰性也如曰義

人性也天下之爲義者有不知其爲義而爲之乎而

天下之爲不義者有不知爲不義而爲之者乎知其

爲義而爲之者曰性也。知其爲不義而爲之者亦曰性也。此有性善有性不善。可以爲善可以爲不善之說紛紛而起也。孟子不得已知以仁義言性猶未足而以性所發之情與才言之。如言赤子入井怵惕惻隱之心言簞食豆羹得生失死之心又以乍見言其猝然以乞人不屑言生死不能奪此其情與才之流露于性中人所不及知不及計不待思不待勉自然而發見之情與才辟諸草木一絲之萌芽一縷之枝葉莫不從根本而發之者以爲此天下無知愚賢不

黃泉山講義利而源下讀此自應前哭

肖○人○人○有○之○不○必○爲○仁○爲○義○賢○人○君○子○始○有○之○也○天○
下○言○性○之○原○本○其○精○切○有○過○于○此○者○誰○氏○之○言○耶○天○
下○言○情○與○才○之○發○見○其○精○切○有○過○于○此○者○又○誰○氏○之○
言○耶○如○此○而○言○性○言○情○猶○欲○兼○氣○質○而○言○之○雖○天○下○
百○千○萬○億○之○人○有○百○千○萬○億○之○氣○質○亦○何○與○于○吾○之○
言○性○言○情○而○必○兼○而○言○之○豈○非○天○下○大○惑○不○解○之○人○
哉○然○而○人○人○有○是○四○端○之○情○而○自○暴○者○不○能○充○也○人○
人○有○是○爲○四○端○之○才○以○充○四○德○之○性○而○自○棄○者○不○能○
充○也○終○成○其○爲○不○可○與○言○不○可○與○爲○之○人○豈○非○所○爲○

牯之反復夜氣不足以存違禽獸不遠者耶人皆爲
善彼獨爲惡苟非性生何以人禽相去若是其殊絕
哉告子之徒曰吾言性有善有不善良不誣也張程
從而解之曰此非性之過氣質之性之過也苟卿之
徒曰吾言性惡良不誣也張程又從而解之曰此非
性之過氣質之性之過也張程止知人以氣質故別
立一性爲天地之性解耳而不知帝王聖人於此等
人不惟不以氣質正其罪不惟不以性之溺于氣質
正其罪直以受天地之性而滅天地之性執其人而

妙○義○微○言○談○笑○而○道○文○章○至○此○化○工○化○上○

大○正○其○滅○性○之○罪○者○也○故○人○之○爲○惡○未○有○不○起○于○氣
質○是○首○惡○者○氣○質○也○舍○是○不○誅○而○反○坐○性○而○誅○之○者
人○之○有○身○猶○人○之○有○家○國○身○之○有○心○而○載○性○以○行○
猶○家○之○有○主○國○之○有○君○也○人○之○有○氣○質○猶○家○之○有○奴
隸○國○之○有○臣○僕○也○身○統○于○心○家○統○于○主○國○統○于○君○天
道○之○常○也○人○道○之○正○也○今○以○氣○質○役○于○吾○性○者○反○使
篇多有此
吾○性○從○而○受○役○焉○是○猶○家○不○統○于○親○國○不○統○于○君○而
爲○人○臣○子○反○挾○制○其○君○親○惟○吾○所○欲○爲○雖○欲○其○不○爲
亂○臣○賊○子○不○可○得○矣○所○謂○辨○不○蚤○辨○以○致○于○此○是○誰

快論○申說 一番彌覺緊切 孟子子七

之過歟。帝王之刑人刑故無小而怙終賊刑雖殺之而不怨者非此也。耶聖人之棄人知過不改而復惡已甚雖棄之絕之而無辭者非此也。耶故人而不失其性無論其爲上知下愚莫不有變化其氣質以復其性之才人而苟失其性無論其爲上知下愚莫不有縱恣其氣質以賊其性之才惟行不著習不察終身由之不知其道之人有其情與才不能爲善亦不能爲惡者此皆功罪之所不及也。嗚呼亦惟天下之人如是者衆也。此人類之所以異于禽獸者也。孟子

之言性言情言才而不言氣質以氣質無與于性而
不言一何深切著明也哉

孟子一書諸儒習讀之書至言心言性字字與孔
子相發明譬諸孔子言心性之本根孟子悉取本
根之枝葉花實而發揮無餘乃讀之者反謂孟子
說得淺說得粗安得不謂二氏說得深說得精嗚
呼孟子爲孔子功臣安得不謂桂山爲孟子功臣

太極圖說辨性論三十四

或曰諸儒言性有善有惡固無所遁其詞矣至無善、
無不善其說猶遁于天命之初人未曉然于必無是、
理吾子卽從程子所謂人生而靜不容說者說之使、
天命人性如日月昭揭于中天不亦可乎余曰從古、
聖賢言性至矣備矣吾本聖賢所言天命人性無不、
一歸于有亦至矣備矣今無善無不善之說告子能、
言之佛氏能發之天下之人能信聖賢之言有自不、
信彼之言無不能信聖賢之言有自不能不信彼之、

言無彼遁于天命之初而言無者推測之言也吾追

求于天命之初而明吾之有彼亦以吾爲推測之言

○世奸辨義不符已也孟予之旨尤信

也吾言仰而可知可見之天彼猶遁于不可見不可

知之天人信者半疑者半况吾又以吾之推測而推

測彼不可見不可知之天明吾有而正其無彼獨無

所爲有無也者有未始有無也者有未始有夫未始

有無也者而遁之耶人卽不信彼其與不信吾均之

不信耳雖然聖人言性未嘗于不可見不可知言之

雖與說紛紜吾終得引聖賢而正其說者彼以不可

見不可知言之吾惟從聖賢可見可知言之自足以
正之耳孟子曰天下之言性也故而已矣無已亦取
其故而言之可乎然吾言天彼亦言天吾言命彼亦
言命人人可見可知者皆故也惟吾言性之有善無
不善彼言性之無善無不善吾以爲故彼亦以爲故
吾言吾之故不以彼之無善無不善爲故彼亦言彼
之故不以吾之有善無不善爲故吾亦無如彼何也
今吾不得已而仍取吾言故與彼言故之同者而言
之則舍天與命言之不能也吾爲子言有善無不善

仍于天與命言之而能明吾說則彼之無善無不善
庶幾不辨而亦自明矣今夫天地之爲天地二氣而
已其氣之輕清者爲天氣之重濁者爲地是同一氣
而天之氣必有異乎地之氣矣故言氣則地之氣旣
以重濁不得與天比至言質則天若無與焉而一歸
于地以氣與質二者較之地氣之重濁不得與輕清
比而地質之重濁不特不能與天氣之輕清比且不
得與地氣之重濁比矣故天之氣輕清者也地之氣
重濁者也地之質尤重濁者也又可知矣人非氣不

生而人之氣合陰陽而有之必統而歸其氣于天以
天之氣統乎地之氣而有之也人非質不生而地之
質合陰陽而有之必舉而歸其質于地以地之質木
乎天之氣以成其質而有之也此人生分天地而有
氣質之說也若夫有是氣必有是理氣以理爲體而
主乎內理以氣爲用而行乎外所謂一而二二而一
者也人生天地之中不得謂氣止天之氣理止天之
理者卽不得謂性止天之性命止天之命也然而止
言天之性不言地之性止言天之命不言地之命非

分○疏○至○此○如○數○家○珍○點○地○湧○出○莫○非○貝○珠

天○地○有○二○氣○有○二○理○也○以○天○與○地○同○是○氣○而○天○獨○以○
其○輕○清○天○與○地○同○是○氣○而○天○獨○以○其○理○載○于○輕○清○之○
氣○中○非○地○之○氣○可○得○比○之○况○地○之○質○可○得○而○比○之○乎○
故○地○之○理○即○天○之○理○而○天○之○所○不○有○也○地○之○氣○即○天○
之○氣○而○天○之○所○不○有○也○天○之○所○不○有○者○地○之○重○濁○猶○
以○有○天○之○輕○清○而○地○之○氣○若○忘○其○重○濁○即○地○之○質○亦○
若○忘○其○重○濁○也○若○天○之○輕○清○雖○有○地○之○重○濁○必○不○少○
移○于○其○重○濁○之○氣○况○少○移○于○其○重○濁○之○質○乎○此○天○之○
所○有○地○不○能○有○而○地○之○所○有○天○雖○有○之○亦○天○之○自○有○

之○非○以○地○而○有○之○也○故○天○與○地○雖○以○二○氣○言○之○止○一○
氣○而○已○一○氣○者○天○之○氣○也○止○一○理○而○已○一○理○者○天○之○
理○也○言○天○之○命○者○止○言○天○言○人○之○性○者○止○言○天○不○得○
以○地○之○氣○與○天○並○之○亦○不○得○以○天○之○理○與○地○之○理○並○
之○亦○不○得○以○天○地○之○性○與○天○命○之○性○並○言○者○也○故○言○
道○則○博○厚○高○明○可○言○天○地○之○道○言○德○則○資○始○資○生○可○
言○天○地○之○德○至○于○言○命○則○顧○誕○天○之○明○命○不○言○地○而○
言○天○言○性○則○維○皇○降○衷○若○有○恆○性○不○言○地○而○言○天○也○
是○言○之○天○之○氣○統○乎○地○與○萬○物○之○氣○氣○之○人○原○也○天○

之理統乎地與萬物之理理之大本也人之性不木
于天則已本于天而有善無不善是天抑無善無不
善是天乎人之性不木于天之命則已本于天之命
而有善無不善是命抑無善無不善是命乎且彼所
謂無善無不善者乃二氏游遁之辭一如無極而太
極之說也既曰無不善則善可知矣既曰無善則不
善又可知矣今卽天之命與彼推而論之彼以何者
爲無善耶自必以天之無所爲者爲無善矣維天之
命於穆不已有所爲無所爲乎此可知天之所以爲

天○以○已○爲○不○善○以○不○已○爲○善○者○也○而○謂○之○無○善○可○乎○
彼○以○何○者○爲○無○不○善○耶○自○必○以○天○之○無○所○爲○者○爲○無○
不○善○矣○其○道○不○二○生○物○不○測○有○所○爲○無○所○爲○乎○此○可○
知○天○之○所○以○爲○天○非○以○冥○冥○之○無○不○善○爲○天○抑○以○昭○
昭○之○無○不○善○爲○天○而○徒○謂○之○無○不○善○可○乎○且○無○善○無○
不○善○合○而○言○之○不○過○有○物○混○成○之○說○耳○亦○不○過○以○性○
之○初○本○混○成○言○性○不○過○如○嬰○兒○離○母○腹○時○其○混○成○猶○
在○耳○過○此○則○無○非○鑿○破○混○沌○之○時○矣○是○必○人○生○而○嬰○
兒○死○而○嬰○兒○而○後○混○成○之○性○復○還○混○成○之○天○斯○可○合○

太極圖說論

卷之六

毛

桂白堂

其○無○善○無○不○善○之○說○者○矣○不○則○嬰○兒○以○後○稍○有○知○識○
日○鑿○一○竅○日○失○一○混○沌○七○竅○鑿○而○混○沌○死○其○性○死○而○
其○人○存○猶○弗○存○也○自○必○閉○目○塞○兌○形○若○槁○木○心○如○死○
灰○而○後○復○吾○嬰○兒○以○還○吾○混○沌○之○性○于○天○而○不○自○知○
其○所○爲○混○沌○者○乃○氣○也○非○道○也○嗚○呼○如○是○而○言○道○如○
是○而○言○天○是○徒○欺○天○之○無○言○而○言○天○欺○道○之○不○言○而○
言○道○豈○非○聖○人○所○謂○不○知○天○命○而○不○畏○反○中○庸○而○無○
忌○憚○之○小○人○耶○今○卽○天○地○之○間○自○人○類○以○及○鳥○獸○草○
木○芸○生○類○聚○如○是○其○無○窮○也○有○一○非○天○爲○之○有○一○非○

天○之○道○爲○之○耶○是○天○之○爲○天○雖○盡○天○下○人○之○心○神○氣○
力○窮○極○工○巧○不○能○及○化○工○萬○一○之○天○非○冥○然○上○浮○無○
思○無○爲○無○知○無○識○而○自○抱○混○成○之○天○可○知○已○以○人○身○
之○一○端○言○之○九○官○百○骸○賅○而○存○焉○缺○其○一○固○不○可○以○
爲○人○矣○至○于○心○腹○腎○腸○養○以○飲○食○療○以○醫○藥○入○于○其○
然○不○知○不○見○之○中○分○陰○陽○五○行○以○達○于○官○骸○莫○不○有○
條○有○理○而○不○可○紊○此○人○之○爲○耶○天○之○爲○耶○夫○天○于○人○
之○一○身○其○安○排○造○作○一○出○于○自○然○而○然○若○此○而○得○于○
天○所○賦○之○性○存○于○人○心○大○之○察○天○地○小○之○明○庶○物○神○

化無窮者必以天爲混沌無知無善無不善者當之
豈非不以性言性而不知言氣非言性卽以性言性
而不知無氣亦無性不惟不能言人所知所見徒能
言人所不知不見不惟不能言人所不知不見徒能
言已所不知不見爲所知所見以欺天下之人者耶
古今言性者雖有諸家及二氏之不同其言有善有
惡者固不知氣質與性之分殊而一之至二氏亦不
知氣質與性之分殊乃欲以認氣爲性者言性以離
氣爲性者言性苟能知氣自氣質自質性自性則天

命人性不難一而貫之不爲二氏而爲聖人之徒矣
或曰人之善惡由氣質而有較然若此諸儒窮理猶
未明于此何耶余曰聖賢之言氣質亦未嘗卽以善
惡歸之也其言氣質亦徒以美惡別之耳惡之爲言
亦對美而言之猶言純疵之謂也故從乎天之氣無
不美從乎地之氣不能無不美者輕清重濁之分也
從乎天之氣如日月之運行星辰之列行四時之不
或歲月之有常不可不謂美而善者也從乎地之質
如金之有金鐵金固美矣鐵雖不美亦未爲惡也木

之有良散良固美矣散雖不美亦未爲惡也水之有
清濁清固美矣濁雖不美亦未爲惡也土之有玉石
玉固美矣石雖不美亦未爲惡也從乎天之無不美
自無不善從乎地之有美有不美而不能無有善有
不善也以氣質分言之猶若此况于性之獨本于天
者乎卽張程言天地之性亦非善言性者也終不若
聖人言天命之性之爲至也然人之氣質雖有昏明
強弱之不齊聖人必不遽以善惡歸之者不過以氣
質美者其從善也易氣質不美者其從善也難而從

不善易耳必俟其爲不善而以不善歸之此困而不
學民斯爲下不亦情見于詞哉余前言人性何嘗本
有不善亦不過反乎善不得不以惡歸之亦不過飲
食男女之欲反其善而爲不善以至惡極而不可解
者如是耳故人雖聖人不過曰敬勝怠者吉怠勝吉
者凶人雖凡人亦不過義勝欲者從欲勝義者凶而
已○古○之○帝○王○所○由○以○天○下○之○人○不○能○順○其○欲○復○其○性○
而○引○爲○已○過○者○亦○獨○何○哉○嗚○呼○人○性○之○有○善○無○不○善○
如是諸儒窮性命之理必求其性之惡而歸之求其

性之惡歸之不得又不肯以其性之善歸之又必以
無善無不善歸之即程氏以性即理也之說不以性
之有恆性之有則而歸之以善者惟不知聖賢言性
善非若槩言事物之理之善乃以性之有條有理可
指可數無不備美之善歸之者也而程氏徒以理槩
之是豈灼見性體之言哉亦猶未離乎二氏混成之
說而已矣

孟子一書從來是非不一以其較孔子發泄無餘
世儒不能從其與孔子貫通處說乃以自不能取

孟子貫通孔子處反舍孔子而專摘孟子多以已
意不能與彼貫通處非之亦足慨已桂山洗發意
義莫不縷塵析毫讀吾友紫臣評桂山諸論謂孟
子爲孔子功臣桂山爲孟子功臣二語真爲確論

太極圖說論卷之七

太極圖說辨性論三十五

或曰紫陽以知覺運動爲氣仁義禮智爲性從古聖
賢未有以知覺屬氣立言者豈無所本而然歟余曰
氣質之說儒者多以前古聖賢不言而不知非不言
也如生安困勉上智下愚雖愚必明雖柔必強之類
皆言氣質也然皆從人受生以後言之多合性與氣
○二○經○說○發○如○夢○方○覺
質而論人其分性與氣質而以性論性以氣質論氣
質者少耳如曰生而知之生言氣質知言性也因而

知之困言氣質知言性也安而行之安言氣質行言性之行其所知也勉言氣質行亦言性之行其所知也其他類推莫不皆然然而聖人合而言者又未嘗不可分而言者也人惟不知聖人可合言者自可分言止知合性與氣質追論受生以前與生俱生性猶氣質也氣質猶性也漫曰生之謂性以爲氣質者運動之物也性者知覺之物也以其知覺知覺其運動以其運動運動其知覺皆與生俱來者也知覺是性運動獨非性乎知覺可言性運動獨不可言性乎不

知聖人言生安困勉是就其人之氣質已定有美有惡無可如何非若性之有善無惡不離氣質而不雜氣質之中生固知之困亦知之安固行之勉亦行之○字○字○其○錄○知行不一而成功則一者氣質不一而性一故也諸儒惟知性與氣質可合而言遂有主張氣質太過如氣質善者性亦隨之而善氣質惡者性亦隨之而惡以人之善惡全由氣質而性亦隨之彼倡此和相習不察使氣質與性如膠投漆不可分解耳吾子以知覺運動言性乃合性與氣質而言者也孟子止與言

性不與言氣質以故告子言生言性兼性與氣質言

孟子止以犬性牛性人性言雖兼氣質而專以性言

者也告子言食色又言仁義亦兼性與氣質言孟子

不言食色止言仁義不言仁又止言義是專以性之

其善處○齊人讀之安○得不悅者

一端言之而性之四端不言而一如言之也○卽推之

有性善有性不善可以爲善可以爲不善諸說人之

以氣質言性者孟子亦止言性之情○性之才○以見性

之善終不一及氣質以氣質無知性有知人苟有性

雖氣質蠢頑如禽獸亦若有不足言者○其意良深遠

矣○紫陽以知覺屬氣爲說○夫亦徒徂于程氏氣質之

性有是言耳○夫人之氣受于天○質受于地○而性受于

天之命○雖天地之氣質亦止可言氣言質○不可合其

氣質言命○况人之性可合氣質而言性○固是性氣質

亦是性○耶○况可以人之運動屬氣質○并人之知覺亦

屬氣質而立說耶○夫從古大聖賢人○雖不恆言氣質

亦有時言氣質如言血氣未定言耳目口體皆從人

之能運動言○初未嘗以知覺歸之者也○雖不恆言

性而亦時言性如本末之命言人之性而言情言才

言心言思皆從人之知覺言初未嘗又以氣質之能
運動者以性之才情與心思能知能覺者歸之也
紫陽謂以氣言之則知覺運動人與物不異如謂人
有是氣有是本然之知覺一旦失其本然之知覺其
視聽言動一如禽獸飲食男女一如禽獸止知以運
動運動其知覺不知以知覺知覺其運動謂人之知
覺運動與禽獸不異猶可也若謂物有是氣有是知
覺其視聽言動一如人飲食男女一如人能以運動
運動其知覺又能以知覺知覺其運動遂謂禽獸之

知覺運動與人。不異。雖至愚之人。必以爲不可者。亦
徒以人與禽獸之運動。雖不異。而異者自有在。人與
物之知覺。雖同。而迥不同者。自有存。乃徒以仁義禮
智與物別。其知覺言之。總由不知氣質無知。以人與
物比擬失倫。不自覺其過耳。然人終以苟無是知覺。
又安能爲運爲動。而人如是物。亦如是耶。噫。誤矣。夫
人之有氣呼吸焉耳。人之有質血肉焉耳。合氣質而
成人。不過言人之形體焉耳。此其能運能動人。皆
○凡言○此○亦○其○一○端○知○衆○山○始○之○
皆有知有覺。而始能之。而不知其不必有知有覺。而

亦○能○之○者○也○草○木○之○無○知○能○萌○能○蘖○土○石○之○無○知○能○
長○能○大○山○海○無○目○無○首○之○物○亦○能○蠢○動○游○行○皆○有○氣○
質○而○無○性○雖○無○知○覺○亦○能○運○動○人○苟○無○性○其○與○若○屬○
亦○復○何○異○不○知○何○所○見○而○必○以○知○覺○屬○氣○言○之○此○余○
之○所○不○能○解○也○

前言氣質從論性統言其梗槩具見矣或人恐人
疑氣質無知亦是創說故特舉而問之桂山從孔
孟論性不必論氣質一語卽所謂聖人所不言卽
在已言之中故歷將已言闡發所不言其理至實
其語至平使人讀之心開目明如讀新語快書末
後借物一點如畫龍點睛神筆神筆

太極圖說辨性論三十六

或曰饒氏雙峯有人生精神魂魄屬乎氣而佛氏亦有作用是性之說其說可得而聞歟余曰人生有是氣質卽有是性與生俱生者也以氣質論之其生而能運動與死而不能運動之氣質一耳其能運動能動亦乘其入之生氣爲之生氣盡亦與俱盡不復能爲之矣惟其有是性以入于氣質之中有口知視又知勿視有耳知聽又知勿聽有口知言又知勿言有體知動又知勿動知有飲有食又知不飲不食知有男

有女又知男女有別止以有此性之知覺不徒以氣質之運動爲運動也如徒以氣質之運動卽爲氣質之知覺是人有耳目止知視聽不知有勿視勿聽止知言動不知有勿言勿動縱耳目口體之欲而無所不爲者必有知其非氣質爲之而知其是知覺爲之且知其不可爲而爲之知覺爲之矣更卽人之有耳目而知視聽且知勿視勿聽有口體而知言動且知勿言勿動必不縱耳目口體之欲使其不善爲之而善爲之者亦必有知其非氣質爲之而知其是知覺

爲之且知其可爲而爲知其不可爲而不爲之知覺
爲之矣○今饒氏以精神魂魄俱屬乎氣○不過爲氣質
之性○添一註脚耳○不知精可屬氣○神不可屬氣○而屬
性者也○魄可屬氣○魂不可屬氣○而屬性者也○人之氣
爲呼吸質爲血肉其生而存者精其死而遺者魄皆
氣質也○非若人之生而存者神死而存者魂皆存乎
性者也○非氣質可比而論之也○至釋氏作用是性之
說○紫陽謂彼直指示人見性與孟子形色天性可合
而論之○夫釋氏以耳目口體屬性而言之也○乃至祖

至鄙之論不知耳目口體乘人生氣而運動者不可

○詳○詳○通○通○如○浪○如○潮○不如是用道不見意得也哉

遂謂之作用者也必有是知覺以主之而後耳目口

體○視○曰○能○視○聽○曰○能○聽○言○曰○能○言○動○曰○能○動○其○作○用○

始○見○今○夫○赤○子○之○始○生○也○一○血○肉○蠕○動○之○物○耳○其○飲○

乳○也○必○以○口○受○之○而○不○以○他○受○之○其○不○飲○知○飢○飲○而○

知○飽○飢○則○知○啼○飽○則○知○笑○是○其○血○肉○之○運○動○爲○之○耶○

是○其○性○靈○之○知○覺○爲○之○耶○况○自○赤○子○以○迄○成○人○其○作○

用○爲○何○如○者○耶○釋○氏○本○以○耳○目○口○體○能○運○能○動○害○吾○

性○而○仇○之○疾○之○比○諸○六○賊○乃○反○云○作○用○是○性○使○以○此○

耳目口體本無知覺。今以性故。有此知覺。既有知覺。即有作用。既有作用。即有是非。是以性之從賊爲賊。而賊之可也。今不以性之賊爲賊。乃以耳目口體之賊爲賊。是真以此六賊者皆有知有覺。能作能用。各有一性。吾能滅此六賊。即是佛性。人不能滅此六賊。喚作精魂耳。嗟乎佛氏謂耳目口體爲賊。吾豈以此六賊如良人。如善人。必不謂之賊哉。然必此六賊者。捨其爲善人。爲良人之作用。而從其不善不良之作○語○如○據○洪○範○終○道○而○顯○長用。吾始得以賊目之。苟其所作所用。既良且善。直謂

之○佛○性○不○謂○之○精○魂○矣○且○此○耳○目○口○體○以○不○爲○良○爲○
善○而○爲○不○良○不○善○故○不○能○不○謂○之○賊○亦○賊○之○未○滅○者○
也○賊○之○爲○從○而○非○爲○主○者○也○且○不○徒○未○滅○也○卽○未○滅○
罪○之○非○其○罪○者○也○猶○賊○必○有○兵○刃○而○爲○賊○此○猶○兵○刃○
也○賊○必○有○甲○冑○而○爲○賊○此○猶○甲○冑○也○若○再○未○滅○之○直○
謂○之○無○罪○可○也○何○者○以○主○乎○爲○賊○而○發○縱○指○使○者○性○
也○性○本○不○爲○賊○能○使○耳○目○口○體○不○爲○賊○者○也○今○性○本○
不○爲○賊○而○爲○賊○見○耳○目○口○體○一○如○見○羣○賊○焉○或○相○率○
而○爲○賊○焉○或○相○從○而○爲○賊○焉○卽○以○罪○性○兼○罪○氣○質○者○

此擬精切

罪○之○此○所○謂○爲○從○不○爲○主○末○滅○者○也○氣○質○無○知○以○性○
之○有○知○相○連○而○坐○之○者○也○性○本○不○爲○賊○而○爲○賊○見○耳○
目○口○體○一○如○見○兵○刃○甲○冑○焉○或○憑○之○藉○之○貞○剛○阨○險○
而○爲○大○賊○焉○或○挾○之○持○之○殺○人○無○賴○而○爲○小○賊○焉○以○
其○罪○知○覺○兼○罪○運○動○者○罪○之○所○爲○從○末○滅○而○又○滅○之○
也○氣○質○之○作○用○本○無○知○徒○以○性○之○有○知○而○作○之○用○之○
相○收○而○及○之○與○以○無○罪○可○也○乃○釋○氏○直○以○作○用○是○性○
所○謂○不○揣○其○本○而○循○其○末○其○與○食○色○爲○性○氣○質○爲○性○
及○知○覺○運○動○爲○氣○精○神○魂○魄○爲○氣○俱○以○言○性○者○言○氣○

質其指則一耳。或曰：然則從古聖人言氣質無知性。有知者，亦有其說乎？余曰：人之有耳目口體，無時而不見，不聞，不知味者也。廼亦有視之不見，聽之不聞，食而不知其味，時者何也？以心不在焉故也。心之不在，卽知覺之所不在。雖有耳目口體，如無耳目口體矣。耳目之官司視司聽，豈肯爲物所蔽哉？其不免于蔽而爲所引者，不思也。耳目血氣，惟不能思，其能思而不爲所蔽者，心實司之。思則心得，而耳目亦得。不思則心不得，而耳目亦不得。此皆聖賢不言氣質無

知其爲無知灼然可見者也。且人之晝而作也。其有作有用。有一非耳目口體所作所用者乎。及其夜而寢也。耳目口體猶然能作能用之物也。世有閉目而睡之人。一無所見。世無掩耳而臥之人。一如無聞。豈非其心神冥而耳目口體亦與爲俱冥之明驗耶。且此耳目口體惟無知無覺。故心神冥而亦與俱冥耳。若心神則有知有覺。雖與耳目口體俱冥而不冥者。也。魂交爲夢。或噩或喜。無色而見色。無聲而聞聲。與耳目口體絕無所與。且多占驗而有徵。不尤足見氣

質無知之說爲聖賢所不言而言之義乎

極淺近平實之理經曲學異端憑臆見一說使如
雲霧千層徒障人目桂山只是明白正大極尋常
話雖有彌天作霧之伎倆一掃立消

太極圖說辨性論三十七

或曰紫陽以形色天性爲釋氏作用是性引而証之其義何居余曰釋氏之說似與孟子合實與孟子相反者也大聖賢人發論其意義自有所在豈異端之流所能引以爲証者哉形者耳目口體也色者耳目且體之所發若有容輝者然斯謂之色也以其理言之則恭也從也明也聰也肅也乂也哲也謀也皆所發之色也以其欲言之則知味也辨色也審聲也別香臭與勞佚也亦皆所發之色也其形雖爲氣質之

所有其色又皆吾性發于其形而有之徒以其形自
天有之其色亦自天之有形而有之耳故不言色止
言形則形止血肉之形既言形又言色則形爲根性
之形故不曰形天性也必曰形色天性也是以知覺
之性入氣質運動中言者也其言踐者本言踐其色
不曰踐色而曰踐形形者能視聽能言動人人自謂
踐之人人不可謂踐者以人人不能以踐其色者踐
其形雖謂之踐形不可謂之踐形惟聖人然後可謂
之踐形耳

其形所發之色無一不如吾天性所發而踐之故人
人有其耳目口體不可謂成其爲人惟聖人始可謂
有其耳目口體而成其爲人成其爲盡性之聖人也
此孟子與釋氏所說迥乎不同者也蓋佛氏之視耳
目口體而仇之疾之不惟知味辯色審聲別香臭勞
佚是賊卽爲恭從爲明聰爲肅父爲哲謀皆耳目口
體自有之理佛氏亦與賊同類而仇疾之者也其以
從欲爲賊者辟諸小人止知有作用而不知吾有性
之賊也其以從理爲賊者辟諸君子知有作用能不

爲所作所用而自作自用是止知吾性爲有不知吾性爲無以其有賊吾無之賊也故其言作用是性亦惟不識耳目口體是無知認爲有知一切作用皆賊性之具仇之疾之必斷而絕之而後吾性淨而不染寂而不動便是佛性耳此其知見粗淺道力卑下卽彼一生苦行不過截去從欲一段尚爾百千強勉萬種苦難卽至真能截去亦不過僅免于從欲之小人而已其于向上一着本從理君子至精至微至密至察之識力皆非吾性所有一切空之直置不問故老

民必使耳目口體如槁木如死灰而後其性歸混沌

荀子三藏經中不得此文○如斡羊魚打碎○全剛

佛氏使六根六塵了無罣礙以冥其心性者自謂有

其心性其旨略同耳○古之聖人其爭向上一法亦惟

以氣質無知不於氣質爭之于氣質爭之如以灰滅

火以土塞水終是向下一截故聖人修己治人止言

性不言氣質以有知治無知不以無知役有知通天

命之至極而立言非異端曲學所能贊一辭○參一說

者也○若以孟子言形色與彼言作用並論辟翁引仲

子○避兄之、不食與伯夷耻周之不食同類而道之不

食則同其所以不食者迥乎不同矣不特此也卽口
之于味一節亦不可與彼作用並言者也孟子以味
與聲臭言性非止以耳目口體言形亦以味與聲臭
言色而以其知覺屬性言之雖屬性之從欲言之然
安得謂從理者是性之知覺爲之從欲者非性之知
覺爲之故曰性也旣謂性矣又謂弗性以性之從欲
而謂性非欲之卽性而謂性也從古大聖賢人其立
言不苟如此橫渠言氣質之性亦言君子弗性其言
則孟子之言其旨非孟子之旨也孟子之言性雖以

性入味與聲臭之中言性不以味與聲臭入性中而
○精○義○入○神
言之者也性也之言借詞也弗謂性之言正詞也橫
渠以性推入氣質中言性卽以氣質推入性中言氣
質之性其言氣質也既以性委之而弗惜矣又言弗
性并其性又棄之而弗惜者也其棄之而弗惜者以
其有二性也性天地之性弗性氣質之性此余所爲
與孟子之旨迥乎不同者也

近時四書講章幾于充棟能採此一篇入之則如
畫龍點睛鬚髯鱗甲冲天奮飛雖衆師之言皆聖

人之言壁上之龍皆雲中之龍矣

太極圖說辨性論三十八

或曰釋氏言作用是性豈不知耳目口體是形非性
特以有是性之知覺入之能作能用謂之性猶張程
言氣質有是性之知覺入之能運能動謂之性耳佛
氏不說理止以作用言性張程窮理之人亦止以氣
質言性其說可得而聞歟余曰吾非必謂釋氏不識
耳目口體是無知之物以作用歸之而言是性也使
佛氏能識耳目口體是無知之物不可以作用歸之
而言性則不以耳目口體言性直以性言性矣不以

在○目○曰○視○在○耳○曰○聞○在○鼻○臭○香○在○口○談○論○言○作○用○是○
○發○下○二○字○必○字○字○透○出○紙○背○
性○直○以○性○之○作○用○無○所○不○作○用○是○性○不○獨○以○耳○目○口○
體○之○作○用○而○言○作○用○是○性○矣○夫○人○生○而○有○是○氣○質○有○
是○耳○目○口○體○而○成○其○爲○人○無○論○言○性○言○氣○質○舍○是○不○
言○更○從○何○言○余○謂○聖○人○論○人○合○氣○質○言○性○不○論○人○論○
性○必○舍○氣○質○止○言○性○此○子○之○疑○予○言○而○更○求○其○說○也○
昔○夫○子○語○顏○淵○爲○仁○以○克○已○復○禮○其○目○卽○視○聽○言○動○
何○嘗○舍○氣○質○言○之○然○人○亦○止○知○夫○子○與○顏○淵○論○仁○耳○
因○仁○而○論○禮○耳○不○知○此○卽○夫○子○論○性○也○卽○夫○子○論○氣○

質也。仁者已性之所發也。禮亦已之性與仁俱有而發之者也。視聽言動卽已之氣質所爲能作能用者也。夫子以性與氣質皆吾一已之性與氣質也。以氣質爲已者克之以性爲已者由之一已耳。克已言已由已亦言已同爲一已。若有二體非克者一已復者又一已也。所克之已耳也。目也口與體也皆氣質也。無知之物也。所由之已仁也。禮也卽皆性也有知之物也。從古聖賢言身言心皆言氣質言修言正皆言性言耳目小體皆言氣質言心思大體皆言性無非

以有知有覺之性○率此無知無覺之氣質○以有知有
覺之性○治此無知無覺之氣質○此人有體而勿之○惟
吾得而勿之人○有禮而復之○惟吾得而復之也○子取
四子書一一貫通而思之○無不如是者也○今佛氏視
人之耳目口體○皆指爲賊○彼不知耳目口體○無知以
吾性之知覺○從之而爲賊○非滅此有知有覺之賊○而
吾道必不成○一旦仇之疾之○無不如吾意而盡滅之
矣○賊固滅矣○問此賊之知覺○是誰之知覺○耶○是賊之
知覺○賊滅而賊之知覺○亦與俱滅者○耶○苟以爲賊之

楞嚴七處微心無一語如此痛快直捷示人處

知覺而既已滅之矣。自必反而求所爲不入吾耳目。口體與偕爲賊。所爲本然之知覺者。吾始得而有之。爲問此本然之知覺。是六賊之知覺耶。非六賊之知覺。是吾本然之知覺耶。如以此爲六賊之知覺。而非吾本然之知覺也。吾苟有此本然之知覺。彼六賊者。雖有知有覺。亦六賊之知覺耳。與吾本然之知覺何佛氏粗說。妄曰。此○文○無○種○而○自○處○爲○用○以○自覺。與吾自以本然之知覺爲知覺。而不以六賊之知覺爲知覺。六賊其如我何。然必使吾與六賊了無交涉。則苟六賊不能與吾不交涉。卽不能不相持而不

相○下○又○必○使○吾○本○然○之○知○覺○自○能○勝○六○賊○之○知○覺○則○
可○苟○不○能○勝○彼○而○滅○彼○且○反○爲○彼○所○滅○如○王○莽○之○蔑○
子○嬰○曹○操○之○制○漢○獻○雖○欲○滅○此○六○賊○而○不○知○此○六○賊○
者○既○已○入○吾○室○而○操○吾○戈○上○吾○牀○而○顛○倒○吾○冠○裳○之○
賊○矣○是○卽○氣○質○與○吾○性○同○體○而○共○爲○人○之○賊○是○卽○亂○
臣○賊○子○與○君○父○共○此○國○與○天○下○而○奪○吾○權○之○賊○也○安○
得○不○滅○此○而○使○此○賊○不○復○爲○人○雖○然○吾○懼○賊○固○不○復○
爲○人○吾○亦○不○得○復○爲○人○矣○從○古○篡○弑○之○賊○雖○誅○之○滅○
之○不○復○令○有○國○與○天○下○吾○之○國○破○家○亡○而○身○亦○隨○之○

亦○猶○是○也○鳴○呼○佛○氏○而○必○滅○此○六○賊○六○賊○之○氣○質○滅○而○六○賊○之○性○亦○滅○而○吾○性○已○滅○矣○吾○性○縱○不○滅○吾○性○必○不○可○復○與○氣○質○俱○存○之○性○矣○此○其○道○不○徒○以○虛○無○爲○本○尤○必○以○寂○滅○爲○歸○佛○氏○而○愚○人○也○佛○氏○而○非○愚○人○有○不○憬○然○而○悟○以○此○六○賊○之○知○覺○非○六○賊○之○知○覺○卽○吾○本○然○之○知○覺○者○耶○苟○知○六○賊○之○知○覺○卽○吾○本○然○之○知○覺○爲○六○賊○所○據○而○用○之○直○以○吾○本○然○之○知○覺○取○此○六○賊○之○知○覺○如○反○掌○止○在○使○吾○性○本○然○之○作○用○自○作○自○用○不○從○耳○目○口○體○爲○作○用○斯○已○耳○以○是○而○取○張○

程氣質之性推論之有不曉然自喻者耶夫子之語
顏淵以人能由已而由禮卽自然而仁之仁人其不
能由已而克已不能由禮而復禮者亦不失爲勉然
而仁之仁人蓋人有體而勿之惟吾得而勿之人有
禮而復之惟吾得而復之其爲有知治無知之道如
是也佛氏惟不能見吾心吾性于耳目口體之外而
止見吾心吾性于耳目口體之中惟不能見吾心吾
性于耳目口體本無所害之先而惟見吾心吾性于
耳目口體必有所害之後遂以若屬皆不善不良之

物憑知覺而無賴縱運動而無狀而爲害無已時使
吾心吾性不知于何而覓使吾心吾性不知于何而
安自不得不出於仇之疾之斷之絕之之一法此猶
失性之人見已之影疑其爲鬼疾呼狂走而不知其

此猶沙喻背異端破人者

所止者也及其氣定神息寂然照之乃始喟然而嘆
曰此吾昔之所爲不認得喚作精魂非佛性者今乃
認得是佛性者卽是精魂非此也耶然佛氏以是立
教引人一生苦行爲之而不知其非者亦止未嘗視
矣吾中國大聖賢人與聞大道之原本自以知見所

及而爲之耳

桂山讀佛氏書讀一部如讀其一語推而知讀百部千部亦如讀一部之一語故其千枝萬葉如藤如蔓牽連無已者一語斷之無不分作兩截其反復論難而不能已已者不得已之苦心世之能知之者亦罕矣

太極圖說辨性論三十九

或曰釋氏以精魂佛性分識與不識似與人心道心
本無二心之旨亦若無殊吾子無取其說此意可得
而聞歟余曰釋氏之徒有達磨者以佛氏生平苦行
目爲笨伯一切掃之有直指此心俾人見性之說作
用是性乃彼初見國王說法語今由彼言而求之止
彼別勞其國○曰大摩
向作用上覓性不向作用上覓性耶抑不向作用上
覓性更向不作用上覓性耶○彼只是論識得不識得
不論如何是識得如何是不識得究不過直冥耳目

口體無所用之便爲識得猶未離乎是賊之旨而已矣不知佛氏以耳目口體爲賊也此以斷截耳目口體爲安心之一法也宗門不以耳目口體爲賊而爲佛性此以不必斷截耳目口體而安心之一法也由佛氏安心論之其視人之有是作用也一如殺人之水火而必滅之然其滅之也亦不過以灰過火以土塞水止從空耳目口體者空吾心吾心空而吾性見耳由宗門安心而論之其視人之有是耳目口體亦如殺人之水火而不必汲汲然滅之在能知其爲火

而不踏之能知其爲水而不赴之不必從耳目口體
求之從吾性求之而吾性見吾之耳目口體不求空
于吾心而吾心自空耳此二釋以言安心未嘗非安
心以求安心未嘗安之而心不安然徒知以安心爲
安心不知以耳目口體爲安心并不知其能安吾耳
目口體者是真能安吾心此所以終其身外於吾道
也吾聖人安心之道亦豈有他哉亦惟安吾耳目口
體一如安吾心焉耳亦惟以吾心安吾耳目口體使
吾耳目口體之安一如吾心之安焉耳天之生人有

是耳目口體卽有是耳目口體之用而始成其爲聰
明恭從之人有是心思卽有是心思之用而始成其
爲作睿作聖之人天不欲人盡其性之知覺則已○
至平○至性○之理○在○人○口○內○在○人○眼○前○無○人○道○統○
欲盡其性之知覺自必盡其耳目口體之用而吾性
始○有○所○用○之○苟○無○是○耳○目○口○體○之○用○徒○欲○盡○其○性○之
知覺雖欲用之吾烏乎用之故有是耳目口體一如
無是耳目口體者無所用吾性也有是性一如無是
性者無所用吾耳目口體也無耳目口體亦無性無
性亦無耳目口體此宗門以用耳目口體卽非佛性

不用耳目口體。卽是佛性之大意。有何秘密不宜之
旨。爲人所不能知而不能言者哉。且吾欲用吾耳目
口體以盡吾性之用者。非直取天生不變不化之耳
目口體而用之也。釋氏徒以不變不化之耳目口體
自冥于無所用之地。亦不過儼不同于禽獸之求食
求偶而已。而吾本心性之知覺。于吾耳目口體作之
用之。以發其光明俊偉之體量者。冥然一無所見焉。
其與草木土石。山海蠕動之物。抱此塊然。長存天地
相法。亦何必有間耶。故吾有目而不視。不聽則已。視

之聽之必聰必明吾有口體而不言不動則已言之
動之必恭必從以吾耳目口體本有之作用皆吾心
吾性爲睿爲聖所本有于耳目口體而作之用之者
也且不特此也吾有是耳目口體卽有嗜有慾吾不
能于耳目口體去其是欲存其是理去其不能去之
欲存其不能存之理使吾性入吾耳目口體中一如
有知覺之耳目口體使吾耳目口體入吾性中一如
無私欲之性譬如天日以其氣載其命以流行而天
之氣不以累其命天之命足以化其氣氣與命本分

而無所分。命與氣本合。而又不徒合。始得而歸之曰。
蓋○理○本○在○日○前○而○可○見○是○為○總○論○
天○道○不○則○可○言○天○不○可○言○道○可○言○道○不○可○言○天○而○天○
之○道○不○可○歸○之○于○天○矣○以○是○而○推○之○聖○人○以○道○而○配○
天○亦○若○是○而○已○矣○晉○就○二○釋○之○所○見○論○之○佛○氏○以○一○
根○不○斷○卽○受○一○根○之○賊○而○相○緣○無○已○此○亦○中○智○一○流○
心○未○明○性○未○見○必○求○所○以○斷○之○截○之○而○吾○心○吾○性○寂○
然○而○始○靜○湛○然○而○始○明○雖○用○其○力○于○虛○無○然○不○可○謂○
用○于○虛○無○者○非○其○實○力○也○若○宗○門○直○指○心○性○以○向○上○
一○着○爲○要○歸○不○復○以○佛○氏○苦○行○爲○培○築○根○基○之○實○力○

其流遂有毀戒滅律不畜室而畜室不如輩而茹輩
以掃之者破之人徒以宗門掃佛氏爲過之不知其
不及佛氏者遠矣嗟乎此二釋者終其身止知有之
爲無而蔽于無之爲有卽知無之爲有又蔽于無之
必不可復有從天地至有之中僅識得一無字便自
謂天上地下惟吾獨尊及其徒起而掃之亦不過于
至無之中識得無而不無一有字遂謂真能出師頭
地輒言撲殺此獍止堪飼犬辟諸一炬火光不過照
耀一室不復知高天大地尚有日月者然嘗卽由其

斷截口體以求安心充類至盡而言之如飲食一端
饑則不能不乞不乞不能不饑倘值霖雨兼旬子桑
閉戶而處大雪填門袁安閉徑無人縱能不爲生死
饑驅謂其一無所動于心則吾不能知也苟以吾不
能知遂謂必無動心之事飲食之與男女則一也楞
嚴首載阿難攝入婬席何至幾毀戒體亦不過十年
二十年一念不起之時偶一起耳以視柳下季魯男
子之徒終其身爲飲食男女之人而坐懷不亂閉戶
不納非一念不動而能然哉要而論之去垢以求淨

者○人○之○所○知○也○人○垢○而○能○淨○人○不○得○而○知○之○矣○祛○妄○

以○求○真○者○人○之○所○知○也○卽○妄○以○見○真○人○不○得○而○知○之○

矣○故○求○淨○見○淨○不○可○復○見○垢○以○求○淨○時○止○見○淨○而○不○

見○垢○直○以○垢○實○之○而○已○不○知○垢○本○非○垢○可○與○淨○同○體○

而○爲○淨○者○耶○以○真○求○真○不○可○復○見○妄○以○其○求○真○時○止○

見○真○而○不○見○妄○直○以○妄○實○之○而○已○不○知○妄○本○非○妄○可○

與○真○同○體○而○爲○真○者○耶○如○二○釋○者○以○彼○所○求○得○彼○所○

欲○自○不○得○不○爲○寂○滅○其○性○之○人○求○不○滅○其○性○之○鬼○而○

已○又○烏○如○天○與○聖○人○生○生○之○道○立○法○象○而○定○三○才○爲○

何如者耶

此篇推究耳目口體可謂充類至義之盡無復纖毫剩義矣紫陽論太極只無形有理一言尚語象山云只恐知道者嫌其洩漏太甚嗟嗟天地包藏至秘至密之理無不昭昭在人耳目之間人自不察耳止爲世人立兩岐三叉路上終日徬徨不知從何下脚桂山萬語千言嘔盡心血無微不顯無隱不彰縱謂泄盡天機只說得明明一個道字亦有何嫌亦有何嫌

太極圖說辨性論四十

或曰吾子論氣質充類至義之盡乃不善之人雖非
性生一如性生雖氣質所移一如非氣質所移諸儒
明以孔孟言性止從原本立論而兼論氣質補所未
備大要從人之不齊與物之不齊推其氣質偏全性
亦因而欠闕愚竊以人生善惡自聖人生知安行以
下皆不能率其本然性固不可謂之不善然其所爲
性、求、至、此、方、可、謂、善、同、而、明、辨、
善者亦可以爲善可以爲不善之善非可與爲善必
不可與爲不善之善此佛氏不使六根緣六塵止從

心性求其明且見焉亦似有見乎人生一落氣質中其能超凡入聖者鮮耳由是言之性之爲性善之爲善惡亦不能無疑于天人賦受之初安得遂謂無少殊乎哉余曰孔子以繼善言性孟子卽以性善言之推天人之極至通古今千聖百王立言之大本以垂訓于天下使善之爲言後之人猶有說焉可得起而增之益之孔孟之言性不俟今日而增益之矣且可得而增益之亦可得而裁損之矣子讀諸子百家書其言心言性能出孔孟論說外奉爲定論是誰一家

可尋章摘句而指數之者耶、惟諸子百家或接孔孟
之教、或讀孔孟之書、知其一言一義、必不能有所以
增之益之、乃徒以其私智小見、反從而裁之損之、如
老聃荀況之徒、欺聖王之不作、膽口說而無忌、以其
言簧鼓一世之愚人、爲索隱行怪之鼻祖、吾儒徒能
于其所行之怪、斥之不能、于其所索之隱、挾之含吾
道而研求其旨趣、而若有所獨得焉者、余固已言之
矣、不得已而言聖人所言、亦言聖人所不言、吾自知
言聖人所不言、以明吾聖人所言、猶未足、而謂吾能

有一言半詞能增益吾聖人豈非天下大惑之人耶

乃子猶固請而求其說吾學識淺陋不敢竊比諸儒

然苟有所未發而推求以發之○非有所畏於發而不

發○○桂○山○發○聖○人○所○未○發○發○所○發○然○如○此○實○計○天○地○鬼

發而不發不知能言距楊墨之說而不欲發也○吾論

太極而及性與天道累數十萬言○子未嘗不疑吾亦

如諸儒發聖人所未發者○然而不知吾于諸儒凡言

發聖人所未發者○多不然其說○從而辯析之○吾敢自

以其所見○必與諸儒相齟齬○而徒逞其說也耶○亦以

諸儒既嘗折衷于聖人所已言。明知與聖人相齟齬。而猶委曲以自申其說。吾安得不本孔孟所已言。于其言有盡而意未盡者。反復而辯析之。以不敢齟齬聖人者。齟齬諸儒而有所不惜焉。亦使天下後世聖人之徒。執兩端而辨其是非。必有較然不易者耳。今諸儒多以孔子繼善言天成性言人。又以孟子從本源言性從發用言善。遂有孔子言性兼氣質孟子言性專主善之說是。皆取孔孟言性之言。自明其言性之旨。非從孔孟言性之言。而明孔孟言性之旨者也。

故聽其言。雖若與孔孟同堂而言之。究其旨。又若與孔孟分門而言之。不知孔子言繼之者善也。以繼之者實善而始以善言之也。孟子之道性善也。以性之止可以善道。必不可以不善道而始以善道之也。其言一而不可二之言。其旨一而不可二之旨也。故其言一陰一陽之道。是從天言之者也。其言繼之者善成之者性。是從人言之者也。繼者乃人之繼乎陰陽也。善則非言所繼之陰陽矣。是言其所繼乎陰陽之道也。成者乃人之成乎陰陽也。性則非言所成之陰

陽矣。是言其所成乎陰陽之道也。乃人人能言其義而不能明其義者。以未明乎善之爲善。因未明乎性之爲性也。所謂善之爲善者。非善與惡對之善。是大學止至善之善。乃純粹以精之謂也。謂其性之純而不雜粹而無疵。精且至焉者而已矣。故落陰陽二氣中而能爲陰陽二氣主。陰陽二氣必有是以主之。天得之而爲命者。人得之而爲性。其善之所爲善如此。此可與惡對言者耶。不可與惡對言者耶。無論天之陰陽不必無善不善。卽有善不善亦何與于純而不

維粹而無疵之命爲哉人之氣質不必無善不善卽

有善不善亦何與于純而不雜粹而無疵之性爲哉

故人有是性雖落氣質之中率是性而爲之者謂之

善不率是性而爲之者謂之惡能率是性而不爲氣

質所蔽者謂之善不能率是性而爲氣質所蔽者謂之

惡是善惡相對之言乃從人繼善成性後見仁見智

與日用不知之人始可分知分愚卽所云爲與所動

作而以善惡相對言之者也今諸儒言性多不本孔

孟之言性者言性自必不本孔孟之言善惡者言善

惡乃又以言善言惡是本孔子性相近者言善惡又以言善不言惡是本孟子言性之原本者言善不言惡嗚呼一聖一賢言性言善如合一轍乃徒自以所見而二之于孔孟何有哉今夫不本孔孟之理言性言善者二氏也不能不本孔孟之理言性言善者諸儒也二氏不本孔孟之理言性言善其理雖與孔孟絕殊其言去孔孟似未遠諸儒以孔孟之理言性言善其言雖與孔孟未遠其理反與孔孟絕殊老氏言道曰混成夫混成之爲言以其如嬰兒如混沌耳雖

不言善而未嘗言不善不惟不言不善反若以其爲善之至者然言嬰兒亦言其性之無僞也言混沌亦言其性之未鑿也惟其以是言道亦以養氣存神爲道以是言性亦以長生不死爲性而非吾聖人之性與天道耳佛氏言道曰冥寂夫冥寂之爲言以其爲空無爲寂滅雖不言善而亦未嘗言不善不惟不言不善亦若以其爲善之至者然言空無以其所爲有者而空無之也言寂滅以其所爲無者而寂滅之也惟其以是言道亦以守寂存真爲道以是言性亦以

不生不滅爲性而非吾聖人之性與天道耳。諸儒旣
本吾聖人言道言性矣。老氏言不僞不鑿。吾猶以不
能知聖人以至善言性者非之。乃諸儒反以善固是
性。惡亦不可不謂之性。釋氏以空無寂滅言性。吾猶
以不能知聖人以至善言性者非之。諸儒反以人生
善固是天理。惡亦不可不謂之天理。推其意是性之
必兼惡言。而猶以善言者亦不得已而言之耳。嘗覽
紫陽善惡一圖。性字下並列善惡二字。以天下爲惡
人于本性中發不中節。乃偏于惡一邊。以故謂之惡。

是天下爲善人于本性中發皆中節是偏于善一邊

性不可兼善惡方是見性語

○

始謂之善矣然則性中原有善惡舉足左右便有輕
重性之爲性不徒不能爲主于氣質而有餘且爲奴
于氣質而不足甚矣氣質之性之說之陷溺人其言
之流弊一至于此可謂長大息者也○或曰然則繼善
以前之善與成性以後之善亦有不同乎余曰非也
譬之于水性善者源之清率性而爲之其流之清豈
有殊于源之清哉故天下有其源清其流不清猶不
得以流之不清疑之況其流清其源之清不問可知

而反以其流入于不清并其源之不入于不清者疑
之此可爲善言性者乎以天道言之言命之至善其
如元亨利貞是至善之所流行也然天之命雖統元
亨利貞而有之不可止以元名命亨名命利貞名命
而必取其乾體之剛健中正純粹而至精者言命以
人道言之言性之至善莫如仁義禮智是至善之所
發用也然人之性雖統仁義禮智而有之不可止以
仁言性義言性禮智言性而必取聖德之聰明府智
純粹而至精者言性故天本其命以流行所謂乾始

能以美利利天下雖百千萬善皆天命之至善爲之
人本其性以發用所爲智周萬物而道濟天下雖百
千萬善皆聖性之至善爲之耳如程氏云性中只有
仁義禮智而已曷嘗有孝弟來苟性止有仁義禮智
而無孝弟是孝弟在性外矣孝弟在性外仁義禮智
亦可在性外如佛氏言性本空寂曷嘗有仁義禮智
來亦何不可之有哉使能知性所存之善自能知性
所發之善能知性所分殊而發之之善卽能知性所
統一而存之之善惟濂溪言性以純粹至善爲得之

諸儒從形而後有言善言惡者皆未足與言性者也
性善二字諸儒亦多以純粹言者終牽于氣質之
性仍從善惡相對糾纏不解如此剖析猶執已見
桂山亦末如之何矣